



**REGIONALNI CENTAR BANJA LUKA
ODSJEK ZA PRUŽANJE USLUGA**

Grupa za prinudnu naplatu
Broj:02/6-1-16-16-45-3060 /10
Banja Luka, 15.03.2010.godine

Na osnovu člana 66. Zakona o porezu na dodatu vrijednost ("Službeni glasnik BiH", br. 9/05, 35/05 i 100/08) i člana 127. Pravilnika o primjeni Zakona o porezu na dodatu vrijednost ("Službeni glasnik BiH", br. 93/05, 21/06, 60/06, 6/07, 100/07 i 35/08) kao i člana 8. Instrukcije o postupku uvođenja posebne šeme dužnika ("Službeni glasnik BiH", broj 35/08), šef Grupe za prinudnu naplatu donosi sljedeće

RJEŠENJE

1. UVODI SE POSEBNA ŠEMA DUŽNIKA za "BALKAL" a.d. PIB/JMB 4401659590009 adresa/sjedište firme: Svetog Save 61, Banja Luka, odgovorno lice Darius Zakarauskas, za dug po osnovu poreza na dodatu vrijednost u iznosu od **1.735.133,00 KM**.
2. Porezni obveznik je dužan da u svoje fakture za isporuke licima koja su registrirana za PDV unosi sljedeću klauzulu: **"Iznos PDV-a naveden u ovoj fakturi se plaća Upravi za indirektno oporezivanje s pozivom na PDV-ID broj 401659590009,**
3. Lice registrirano za PDV koje kupuje dobra i usluge od isporučioaca "BALKAL" a.d. Svetog Save 61, Banja Luka, plaća iznos PDV-a direktno Upravi za indirektno oporezivanje.
4. Iznosi PDV-a zadržani tokom poreznog perioda, plaćaju se do 5. u mjesecu za prethodni porezni period.
U istom roku porezni obveznik kupac je dužan dostaviti Upravi za indirektno oporezivanje listu s podacima za prethodni porezni period za poreznog obveznika dužnika prema kojem je rješenjem uvedena posebna šema, lista treba da sadrži sljedeće:
 - Iznos zadržanog PDV-a
 - Identifikacioni broj isporučioaca dobra ili usluga
 - Identifikacioni broj primaoca dobra ili usluga koji je zadžao iznos PDV-a.
5. Posebna šema se primjenjuje od 19.03.2010. godine
6. Dužnik nad kojim se uvodi posebna šema, "BALKAL" a.d. PIB/JMB 4401659590009 adresa/sjedište firme: Svetog Save 61, Banja Luka, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno s uvjerenjem o registraciji za PDV.
7. Žalba ne odlaže izvršenje rješenja.

8. Ovo rješenje će biti objavljeno u "Službenom glasniku BiH" i dnevnim novinama.

OBRAZLOŽENJE

Na osnovu podatka iz programa "ALICE" kojima raspolaže Grupa za prinudnu naplatu RC Banja Luka, dužnik "BALKAL" a.d. PIB/JMB 4401659590009 adresa/sjedište firme: Svetog Save 61, Banja Luka, ima neizmirenog duga nastalog po osnovu PDV-a za porezni period 0902 do 0911 u iznosu od **1.735.133,00 KM**. Uvidom u evidenciju o zaduženju duga po osnovu PDV-a, u programu "ALICE" utvrđeno je da je dužnik "BALKAL" a.d. iz Banja Luka, u navedenom periodu uredno podnosio prijave samooporezivanja ali nije vršio uplate po istim, niti je vršio uplate PDV duga utvrđenim od strane kontrole.

Protiv dužnika "BALKAL" a.d., Svetog Save 61, Banja Luka, Grupa za prinudnu naplatu RC Banja Luka, pokrenula je postupak prinudne naplate duga izdavanjem obavijesti o nalogu za prinudnu naplatu i zahtjev za uplatu u prinudnoj naplati kako je označeno u tabelarnom pregledu.

Dužnik u roku od 10 dana od dostavljenih naloga za prinudnu naplatu nije redovno izvršavao uplate, pa su izdati nalozi za pljenidbu u skladu sa članom 45. Pravilnika o provedbi Zakona o postupku prinudne naplate indirektnih poreza, ("Službeni glasnik BiH" broj:21/06").

Kako je potraživani dug ostao neplaćen, službenici Grupe za prinudnu naplatu radi naplate potraživanog duga, nastavili su postupak prinudne naplate zapljenom imovine po redoslijedu propisanom u članu 13. Zakona o postupku prinudne naplate indirektnih poreza ("Službeni glasnik BiH" broj:89/05).

Izdate su pismene izjave o pljenidbi novca s bankovnog računa, ali je račun blokiran. Slijedeći korak je bio prikupljanje informacija o imovini dužnika čime je utvrđeno da dužnik nema pokretne i nepokretne imovine.

Ova odluka temelji se na Instrukciji o postupku uvođenja posebne šeme dužnika ("Službeni glasnik BiH", broj 35/08).

Dug u iznosu 1.735.133,00 KM struktura i period iz kojeg potiče.

Red br.	Peri od duga	Broj naloga za prinudnu naplatu	VRSTA DUGA			Ukupan iznos duga
			Glavni dug	Naknadni teret prinude	Kamata	
1	0902		8.257,00			8.257,00
2	0905	02/6-1/I-16-16-22-8497/09	15.942,60		1.381,00	17.323,60
3	0905		3.683,00			3.683,00
4	0906	02/6-1/I-16-16-22-9968/09	19.039,00			19.039,00
5	0906		6,00			6,00
6	0907	02/6-1/I-16-16-22-11275/09	256.535,00			256.535,00
7	0908	02/6-1/I-16-16-22-12751/09	339.728,00			339.728,00
8	0908		260.170,00			260.170,00
9	0909	02/6-1/I-16-16-22-13954/09	7358,00			7.358,00
10	0909		93.660,00			93.660,00
11	0910		42.999,00			42.999,00
12	0911	02/6-1/I-16-16-22-17162/09	613.664,00	54.001,40		667.665,40
13	0911		18.709,00			18.709,00
UKUPAN DUG			1.679.750,60	54.001,40	1.381,00	1.735.133,00

Članom 66. stav 3 Zakona o porezu na dodatu vrijednost, propisana je mogućnost da UIO naloži za određene registrirane porezne obveznike koji su u dugu – dužnike da se PDV na isporuke registriranim obveznicima PDV-a plati od strane primaoca isporuke.

Ovakav način plaćanja podrazumijeva uvođenje posebne šeme dužnika koja se primjenjuje u ovom slučaju na obveznika "BALKAL" a.d., Svetog Save 61, Banja Luka, iz razloga što je u pitanju značajan iznos poreznih prihoda, te bi se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Na osnovu utvđenih činjenica, osnovom člana 6. stav 1. Instrukcije o postupku uvođenja posebne šeme dužnika, i člana 8 stav 1. Instrukcije, Grupa za prinudnu naplatu RC Banja Luka je dana, 08.02.2010. godine, dostavila dužniku "BALKAL" a.d. **pismo namjere**, protokolirano pod brojem: 02/6-1/I-16-16-22-17162-3/09 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbama člana 128. stav 1 i 2. Pravilnika o primjeni Zakona o porezu na dodatu vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodatu vrijednost. Kako se obveznik u ostavljenom roku nije oglasio bilo uplatom ili obavještenjem o mogućnosti obezbjeđenja adekvatne garancije, odlučeno je da se na ovog obveznika primijeni posebna šema radi obezbjeđenja naplate.

Prilikom donošenja odluke o uvođenju posebne šeme dužnika Grupa za prinudnu naplatu rukovodila se slijedećim razlozima: iznos duga, rizik po javne prihode, kao i procjenom smanjene vjerovatnoće za naplatu poreza na dodatu vrijednost bez uvođenja posebne šeme, historijat ponašanja poreznog obveznika, opterećenjem nekretnina od strane velikog broja povjerilaca, kao i općim ekonomskim stanjem poreznog obveznika u budućnosti.

Shodno odredbama člana 128. stav 4. Pravilnika o primjeni Zakona o porezu na dodatu vrijednost, ovo rješenje će biti objavljeno u "Službenom glasniku BiH" i tri najčitanije dnevne novine, a isto ste dužni istaknuti u poslovnim prostorijama na vidno mjesto zajedno s uvjerenjem o registraciji za PDV.

Žalba ne odlaže izvršenje rješenja shodno odredbi člana 137. stav 1. Zakona o postupku indirektnog oporezivanja ("Službeni glasnik BiH", broj 89/05),

Pouka o pravnom lijeku:

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH ("Službeni glasnik BiH", broj 16/02,19/02, 43/04, 8/06 i 24/06).

Dostaviti:

- "BALKAL" a.d., Svetog Save 61, Banja Luka
- R.C. B.Luka, Odsjek za poreze, Grupa za kontrolu velikih PDV obveznika
- R.C.B.Luka, Odsjek za poreze, Grupa za obradu poreskih prijava
- Sektor za poslovne usluge I seta
- Odsjek za prinudnu naplatu
- Odsjek za pružanje usluga RC Banja Luka
- a/a



Šef Grupe za prinudnu naplatu

Nedim Kulenović dipl.ecc